

元代地理志 下卷

元
代

史料初編

元代地理方志 下卷

元代
史料叢刊
初編

黃山書社

續修龍虎山志

龍虎山志序

神僊之役使鬼神何說乎孔子曰清明在躬志氣如神中庸曰惟天下至誠爲能化道家致虛守靜修性煉神故能無爲而無不爲出入三界宰制萬靈其理與吾儒實相脗合卽如符籙一事亦須存想凝神而得之斯亦志一動氣之驗也三代以上不見於經彼蓋存而不論使由而不使知耳秦漢以來世主以雄氣侈心求之去之廼益遠然史傳所載若安期羨門淮南八公王喬壺公蘄子訓魏

青房山志

伯陽葛稚川之屬或輕舉飛昇或蟬蛻尸解出有入無莫可端倪神僊之說斷斷有之至求其洞三界攝萬靈爲斯民救災捍患世世賴之者蓋鮮也有之自真人張輔漢氏始世莫不神異其術然上古有之人自不著不察耳昔黃帝鑄鼎荆山鼎成上昇非神僊事乎命鬼吏區統百鬼蚩尤作亂迷霧障天僂之涿鹿之野非制服鬼神事乎猶曰世遠難言也廼若大禹鑄鼎象物使民知神姦魑魅魍魎莫能逢之鎖支祁之恠桔貳負之尸斲防風

之骨省方倦勤乃入禹穴變化靈通斯其彰明較著者黃帝垂衣袞已問道崆峒大禹親承精一至誠感神惟有其理乃有其事豈虛也哉周道既衰禹鼎淪喪神人失序妖厲並興於是老氏始出爲後來道家之祖道德五千言通幽洞冥於神人無所不該漢世尙其道猶能以恭默致治平漢道衰元教微爲其說者徃徃支離龐雜無益於世廼有輔漢真人出爲道家符籙之宗其原出於老氏蓋道德經之有符籙亦猶六經之有羽翼傳註也道

德開其源其教尊符籙演其傳其益廣老氏虛極
靜篤在釋爲頓在吾儒爲生知真人積功累行在
釋爲漸在吾儒爲學知其源同其究一也計陽平
飛昇之年至於今千五百餘載相傳五十餘代其
靈通變化如一日無祈禳不應無妖魔不除佑國
庇民事覈而理顯後世迂儒不究指歸不覈正僞
以一切神僊爲誕妄至鬼神直曰造化之迹耳豈
通論哉我太祖統一聖神並立三教嗣教大真人
與衍聖公等秩埒崇蓋實知其教之能夾佐儒術

禪濟蒼生廼興神物以前民用此與黃帝之問道
崆峒大禹之鑄鼎象物吾夫子以猶龍讚老氏意
豈異哉列聖相承崇尚無改繼自今雖與天地並
存可也余幸得與今嗣教大真人張九功氏遊一
日出龍虎山志示余命爲敘之蓋輔漢氏原煉龍
虎丹於此山後廼飛昇於陽平傳四代而仍居龍
虎余特爲考據經典論其實理之可傳如此若夫
山川世系恩綸宮觀人物藝文志中備矣余何言
詩云昭茲來許繩其祖武於萬斯年受天之祜則

龍虎山志

序

三

韻虎山志

三

在後之人哉則在後之人哉

禮部尚書兼翰林院學士掌詹事府溫陵黃汝良

撰

續修龍虎山志目錄

卷一

山川

卷二

建置

卷三

人物

卷四

恩綸

龍虎山志

目錄

龍虎山志

卷五

藝文

卷六

詩賦

元
代

國
史
初
編

續修龍虎山志卷一

元翰林院侍講學士元明善 輯修

明五十代大真人張國祥 續修

山川

夫乾坤凝爍每效靈於山川艮坎峙流輒分精
於畸傑故十洲三島同棲不二之天五嶽百靈
各挺無邊之相惟茲龍虎地不亞鳳麟洲九十
九峰峰峰奇蹟二十四洞洞洞僊踪洞天天外
元天此處烟霞獨迥福地地中勝地個中人物

龍虎山志

卷一

無雙作山川志

山

龍虎山按信州圖志在上清宫西二十里仙岩之上天下第二十九福地漢天師道陵居是煉龍虎太丹因是名焉相傳爲青龍白虎馴遶者幻也四代天師元宗自漢中來奠居焉建祠其地以祀祖天師宋崇寧中三十代天師繼先奉勅修建賜額演法觀本山導山自建寧導水自邵武東距信州二百里北距饒州三百里

象山在宮東二十里峻極斗絕俯瞰諸山其形類象因名又名應天山山頂平坦有田園池塘宋儒陸子靜讀書其上十八代天師士元修道其中四十年每大風雨人輒見其乘黑虎往來諸峰間上有繡經石黑虎井碧蓮池構三菴以崇釋教

臺山在宮北五里崑然高峙爲宮後屏障上有禪寺

藐姑山在宮東南二十里藐姑修道其上弟尋至半嶺姑以步倒移弟疑其下山去遂名其山曰模

龍虎山志

卷一

二

空尖後居民結菴以祀早年人率童男女績麻獻齋以禱則雨上有石如人坐目爲白石夫人災疫嗣續每禱輒應山頂有封鬼洞

西華山在宮西五里宣德中澹然真人建祠於頂以祀浮丘王郢三仙

華山在真人府第後半里許左右山勢環抱林木叢密山南有小溪帶繞府第焉

雲臺山與藐姑山相峙祖天師嘗命弟子趙昇取桃於此山絕壑中後與夫人雍氏乘雲上昇唐葉

天師亦嘗煉丹於此

塵湖山與雲臺山相聯頂有湖相傳葉天師所開以濯丹鼎

微君山在宮南二十里十四代天師慈正結菴以居累徵不起山因是名上有梧竹塘七星峰白鶴塢二十七代天師象中結菴竹塘養靜其中得道冲舉

西山在宮西十里南唐司徒薛忠提兵鎮於此大夫山在宮南十五里張宗師留孫父文簡公之